

Rapport dil president

La suprastonza ei serimnada 3 gadas igl onn vargau.

Las activitads sportivas vein entschiet en cun il camp el Tessin, nua che nus vein passentau ina biala fin d'jamna ensemen, cun filar vid la tecnica, denton era cun star da cumpignia.

Ina jamna pli tard vein lu saviu preperar ils plaz, e gia 4 dis pli tard entschiet en cun ils tranements, fuss flot sche in ni lauter dapli fuss prompts da segidar gia il venderdis che nus savessen luvrar speditiv la sonda endamaun.

Il davos avrel vein lu rempazzau il cundrez da sprizzar, quei che ei secomprovau, ha ei gie funzionau entira stad grondius.

La fin matg vein giu in problem cun la maschina da lavar giu, percletg vein saviu schar pinar ella, eis ei gie la maschina che druvein il pli bia.

Sper igl interclub ed ils turniers usitai vein era uonn puspei priu part al cup grischun dils clubs cun Karin Demont, Carmen Bearth, Gion Petschen, Luis Caduff ed Erich Decurtins. Sco gia avon 2 onns vein puspei contenschiu il ½ fianal. Sper intensivs giugs vein era gudiu la cumpignia e saviu tgirar novs contacts.

Duront la stad vein puspei menau atras las seras dil club. Sco igl onn vargau stoi jeu di che igl ei donn che quelas seras vegnan bu frequentadas meglier, sa ins sper il dar tennis era star da cumpignia e dar ina paterlada, ei gie naschiu da quelas seras enqual buna idea per il prosperir dil club.

Dallas finanzas vein nus giu bien quittau, grazia al lotto, mo era atras il sustegn dil cantun per manar atras turniers, savein nus presentar in bien quen. Per che quei stetti aschia vinavon, eis ei era impurtont che vus prendias part da nos turniers, che nus sappien menar atras els vinavon ed aschia profitar da quei sustegn finanziel.

Il lotto 2019 vein menau atras ils 9 da mars, quel ei puspei staus in grond success.

Cunquei che quei ei ina fetg impurtonta intrada per nies club ditgel jeu in grond engraziel al team dil lotto : la Melanie Albin, la Carmen Bearth, la Karin Demont, la Lea Alig, il Silvio Albin ed igl Erich Decurtins.

Per il proxim onn fuss ei miu giavisch che ei vegni fatg part meglier allas seras dil club sco era a nos turniers, ein gie las activitads dil club bu finidas cun la fin dil interclub.

Per finir engraziel jeu a mes consuprastonts per la buna colaboraziun che vein giu, sco era a nos sponsurs dil lotto ed allas fatschentas che han ina reclama giu sil plaz.

Vinavon engraziel jeu alla Erna che ha puspei sco adina giu bien quittau da nossa casa dil club e dalle fluras entuorn la terassa, era al Leandro per il mentaniment dils plaz e dil contuorn in grond engraziel.

In engraziel era allas equipas d'interclub ed a tut quels che han segidau sin ina moda ni lautra duront igl onn vargau.